



სსიპ ბათუმის შოთა რუსთაველის
სახელმწიფო უნივერსიტეტი

16 თებერვალი, 2024 წ.

ბრძანება № 01-02/21

**ბსუ-ს უმაღლეს საგანმანათლებლო პროგრამებზე 2023-2024 სასწავლო წლის გაზაფხულს
სემესტრისთვის სასწავლო პროცესის წარმართვის მიზნით მოსაწვევი მასწავლებელთა
პერსონალის შესარჩევი ღია კონკურსის გამოცხადების შესახებ**

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, ბსუ-ს წესდების მე-13 მუხლის, „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“ წარმომადგენლობითი საბჭოს 2023 წლის 8 სექტემბრის №07-01/42 გადაწყვეტილების, „ბსუ-ს 2023-2024 სასწავლო წლის აკადემიური კალენდარის ცვლილების შესახებ“ ბსუ-ს რექტორის 2023 წლის 22 სექტემბრის N01-02/181 ბრძანების, „ბსუ-ს უმაღლეს საგანმანათლებლო პროგრამებზე შესასრულებელი შრომის საათობრივი ანაზღაურების ოდენობის (ტარიფების) განსაზღვრის შესახებ“ ბსუ-ს ადმინისტრაციის ხელმძღვანელის 2023 წლის 29 სექტემბრის N01-10/112 ბრძანების, საბუნებისმეტყველო მეცნიერებათა და ჯანდაცვის ფაკულტეტის დეკანის 2024 წლის 15 თებერვლის MES 9 24 0000165114, ზუსტ მეცნიერებათა და განათლების ფაკულტეტის დეკანის 2024 წლის 6 თებერვლის MES 6 24 0000122514, სამსახურებრივი ბარათების საფუძველზე,

ვ ბ რ ძ ა ნ ე ბ:

1. გამოცხადდეს ღია კონკურსი 2023-2024 სასწავლო წლისათვის ბსუ-ს უმაღლეს საგანმანათლებლო პროგრამებზე სასწავლო პროცესის წარმართვის მიზნით მასწავლებელთა პერსონალის შესარჩევად, წინამდებარე ბრძანების **N1 დანართის** შესაბამისად (დარგობრივი დეპარტამენტის ვაკანტური სასწავლო კურსები, ლექცია/ჯგუფში მუშაობა, ჩატარების ადგილი, ჩასატარებელი საათების ოდენობა და ჩატარების სემესტრი).
2. კონკურსში მონაწილეობის მიზნით **კონკურსანტებმა მატერიალური სახით უნდა წარმოადგინონ** (ბსუ-ს საქმისწარმოების სამსახურის (კანცელარიის) მეშვეობით):
 - ა) განცხადება (შევსებული თანდართული ფორმის - N2 დანართის შესაბამისად);
 - ბ) პირადობის მოწმობის ან პასპორტის ასლი;
 - გ) უმაღლესი განათლების / კვალიფიკაციის დამადასტურებელი დოკუმენტის / დოკუმენტების ასლი / ასლები (სათანადო წესით დამოწმებული ასლი);
 - დ) ავტობიოგრაფია (CV - შევსების თარიღის მითითებით და ხელმოწერილი);
 - ე) ფერადი ფოტო (ზომა 3/4).
3. **კონკურსის ვადები განისაზღვროს შემდეგნაირად:**
 - ა) საკონკურსო დოკუმენტაციის წარმოდგენა - 2024 წლის 19-20 თებერვალი, 10:00 სთ-დან 17:00 საათამდე, ბსუ-ს საქმისწარმოების სამსახურში (კანცელარია);

ბ) **კონკურსის ჩატარება** (დოკუმენტაციის შემოწმება, კონკურსანტებთან გასაუბრება / საჭიროების შემთხვევაში საცდელი ლექციის ან ჯგუფში მუშაობის ჩატარება, ვაკანტურის საათების შესასრულებელი სამუშაო დატვირთვის შესაბამისად) – **2024 წლის 21 თებერვალი** (კონკურსანტთა სია და გასაუბრების (საჭიროების შემთხვევაში საცდელი ლექციის ან ჯგუფში მუშაობის ჩატარება, შესასრულებელი დატვირთვის სახის შესაბამისად) ჩატარების დრო და ადგილი კონკურსანტებს ეცნობოს საკონკურსო კომისიების მიერ, ბსუ-ს ოფიციალური ვებგვერდის (კონკურსების ველის) მეშვეობით, გასაუბრების/საცდელი ლექციის ჩატარებამდე არაუგვიანეს 1 დღით ადრე (დასაშვებია კონკურსანტის CV-ში მითითებულ სატელეფონო ნომერზე შეტყობინება ან/და ელექტრონული ფოსტის მეშვეობით ინფორმირება);

გ) საკონკურსო კომისიების მიერ **საკონკურსო შედეგების საჯარო გამოცხადება** ბსუ-ს ოფიციალური ვებგვერდის და შესაბამისი ფაკულტეტის საინფორმაციო დაფის მეშვეობით - **არაუგვიანეს 2024 წლის 21 თებერვალი ;**

დ) **კონკურსანტთა სააპელაციო საჩივრების** (ასეთის არსებობის შემთხვევაში) მიღება ბსუ-ს კანცელარიის მეშვეობით - **2024 წლის 22 თებერვალი, 10:00 საათიდან 15:00 საათამდე;**

ე) კონკურსანტთა სააპელაციო საჩივრების (პრეტენზიების) განხილვა და **საბოლოო შედეგების გამოცხადება** ბსუ-ს ოფიციალური ვებგვერდის მეშვეობით - **არაუგვიანეს 2024 წლის 22 თებერვალი.**

4. კონკურსში გამარჯვებულ კონკურსანტებთან შრომითი ხელშეკრულებები გაფორმდეს 2023-2024 სასწავლო წლის გაზაფხულის სემესტრში სასწავლო პროცესის წარმართვის მიზნით შესაბამის ფაკულტეტზე პერსონალის მოწვევისა და მათი სამუშაო (აკადემიური) დატვირთვის განსაზღვრის შესახებ ბსუ-ს რექტორის აქტის გამოცემის შემდეგ შრომითი ხელშეკრულების ვადა განისაზღვრება მოწვეული პირის სამუშაო დატვირთვის შესაბამისი სემესტრის/სემესტრების ხანგრძლივობის შესაბამისად.
დასაშვებია:

ა) კონკურსში გამარჯვებული კონკურსანტი არ იქნეს მოწვეული შრომითი ხელშეკრულების გასაფორმებლად, თუკი არ შედგა სტუდენტთა ჯგუფი ან სასწავლო პროცესის ორგანიზებასთან დაკავშირებული სხვა მიზეზით;

ბ) კონკურსში გამარჯვებული კონკურსანტისათვის შეთავაზებული იქნეს შესაბამისი მიმართულებით სხვა სასწავლო კურსების/ოდენობის აკადემიური (სამუშაო) დატვირთვის შესრულება, გარდა კონკურსის გამოცხადების აქტში მითითებული სასწავლო კურსებისა.

5. წინამდებარე ბრძანების საფუძველზე შერჩეული პერსონალის შრომა ანაზღაურდება საათობრივად, სამუშაო (აკადემიური) დატვირთვის ბრძანებისა და შესრულებული სამუშაოს მოცულობის შესაბამისად, ბსუ-ს ადმინისტრაციის ხელმძღვანელის 2023 წლის 29 სექტემბრის M01-10/112 ბრძანებით განსაზღვრული ტარიფით (ერთი აკადემიური საათი - 50 წუთი; 1 სთ-ის შრომის ანაზღაურება: დოქტორის ხარისხის არმქონესათვის (მასწავლებლისათვის) - 18 ლარი, ხოლო დოქტორის ხარისხის მქონესათვის (უფროსი მასწავლებელი) - 20 ლარი; სტუდენტთა მცირერიცხოვანი ჯგუფებისათვის მოწვეული უფროსი მასწავლებლის /მასწავლებლის 1 სთ-ის შრომის ანაზღაურება - 10 ლარი).

6. კონკურსის შედეგად გამარჯვებული დასაქმებული ვალდებულია, მისი შრომითი (აკადემიური) დატვირთვის გათვალისწინებით, შეასრულოს ბსუ-ს სამართლებრივი აქტებით დადგენილი ფუნქციები, მათ შორის:

ა) ლექციის/პრაქტიკულის/სემინარის/ჯგუფში მუშაობის/კურაციული/ პრაქტიკის/ ლაბორატორიული სამუშაოს დაგეგმვა, მომზადება და ჩატარება, დატვირთვის ბრძანებისა და შესაბამისი საგანმანათლებლო პროგრამის სასწავლო კურსის სილაბუსის მიხედვით;

ბ) შუალედური და დასკვნითი გამოცდების საკითხების მომზადება და საგამოცდო ნაშრომების გასწორება;

გ) ბსუ-ს სასწავლო პროცესთან დაკავშირებული სხვა საქმიანობა, რაც გამომდინარეობს საქართველოს კანონმდებლობიდან, შრომითი ხელშეკრულებიდან, ბსუ-ს შინაგანაწესიდან (შრომითი ხელშეკრულების ნაწილია) და ბსუ-ს სხვა რეგულაციებიდან, რომელიც განთავსებულია ბსუ-ს ვებგვერდის ველებში, „იურიდიული ცნობარი“ და „სტუდენტთა გზამკვლევი“ (ბსუ-ს შინაგანაწესი, ეთიკის კოდექსი, „ბსუ-ს სასწავლო პროცესის მარეგულირებელი წესი“, „ტურნიტინის პროგრამის ადმინისტრირების წესი, „აკადემიური კეთილსინდისიერების დაცვის წესი“ და სხვა).

7. შეიქმნას საკონკურსო კომისიები ფაკულტეტების/დარგობრივი დეპარტამენტების მიხედვით, წინამდებარე ბრძანების **N3 დანართის შესაბამისად** და დამტკიცდეს **კომისიების მუშაობის წესი**, წინამდებარე ბრძანების **N4 დანართის შესაბამისად**.

8. ბსუ-ს ფაკულტეტის დეკანებს დაევალოს 2024 წლის 23 თებერვლის ჩათვლით უზრუნველყონ 2023-2024 სასწავლო წლის გაზაფხულის სემესტრისათვის ბსუ-ს პერსონალის/ხელშეკრულების საფუძველზე მოწვეული პირებისა და გამარჯვებული კონკურსანტების საათობრივი (სამუშაო) დატვირთვის განსაზღვრის შესახებ სამსახურებრივი ბარათების წარმოდგენა (სამუშაო დატვირთვის ფორმები შედგენილი იქნეს ბსუ-ს სასწავლო პროცესის დეპარტამენტის მიერ მიწოდებული ფორმის შესაბამისად).

9. დაევალოს სასწავლო პროცესის დეპარტამენტს წინამდებარე ბრძანებით განსაზღვრული ღია კონკურსის გამოცხადების შესახებ განცხადების ტექსტის მომზადება და ვებგვერდზე განთავსებისათვის საინფორმაციო ტექნოლოგიების სამსახურისათვის მიწოდება.

10. ბრძანება განათავსოს ბსუ-ს ვებგვერდზე - საინფორმაციო ტექნოლოგიების სამსახურმა, ხოლო საქმისწარმოების სამსახურმა (კანცელარია) - ამ სამსახურთან არსებულ საინფორმაციო დაფაზე.

11. ბრძანების აღსრულებაზე კონტროლი განახორციელოს რექტორის მოადგილემ (ანზორ ბერიძემ).

12. ბრძანება დაეგზავნოს რექტორის მოადგილეს (ა.ბერიძეს), ადმინისტრაციის ხელმძღვანელს, ხარისხის უზრუნველყოფის სამსახურს, ბსუ-ს ფაკულტეტებს და სხვა სტრუქტურულ ერთეულებს (საფინანსო-ეკონომიკურ დეპარტამენტს, სასწავლო პროცესის დეპარტამენტს, საქმისწარმოების სამსახურს (კანცელარია), იურიდიულ დეპარტამენტს, საზოგადოებასთან ურთიერთობის სამსახურს, საინფორმაციო ტექნოლოგიების სამსახურს).

13. ბრძანება ძალაშია ხელმოწერისთანავე.

14. ბრძანება შეიძლება გასაჩივრდეს კანონმდებლობით დადგენილ ვადაში და წესითბათუმის საქალაქო სასამართლოში (ქ. ბათუმი, ზუბალაშვილის ქ. № 30).

რექტორი, პროფესორი

მერაბ ხალვაში

„ბსუ-ს უმაღლეს საგანმანათლებლო პროგრამებზე 2023-2024 სასწავლო წლის გაზაფხულს სემესტრისთვის სასწავლო პროცესის წარმართვის მიზნით მოსაწვევი მასწავლებელთა პერსონალის შესარჩევი ღია კონკურსის გამოცხადების შესახებ“

ბსუ-ს რექტორის 2024 წლის 16 თებერვლის N 01-02/21 ბრძანების
დანართი 1

2023-2024 სასწავლო წლის გაზაფხულის სემესტრში ბსუ-ს უმაღლესი საგანმანათლებლო პროგრამების ვაკანტური სასწავლო კურსები ფაკულტეტებისა და დარგობრივი დეპარტამენტების მიხედვით

1. ბსუ-ს ზუსტ მეცნიერებათა და განათლების ფაკულტეტის ვაკანტური საათები

№	ბსუ-ს უმაღლესი საგანმანათლებლო პროგრამა	სასწავლო კურსი	საათობრივი სამუშაო დატვირთვა		სულ	სასწავლო კურსის განხორციელების პერიოდი- 2023-2024 სასწავლო წლის გაზაფხულის სემესტრი /სამუშაო ადგილი
			ლექცია	ჯგ/მუშაობა		
მათემატიკის დარგობრივი დეპარტამენტი						
1.	ქიმია;	უმაღლესი მათემატიკა		30	30	ქ. ბათუმი ნინოშვილის/რუს თაველის 35/32
2.	გეოგრაფია;	უმაღლესი მათემატიკა		18	18	ქ. ბათუმი ნინოშვილის/რუს თაველის 35/32
3.	ბიზნესის ადმინისტრირება;	მათემატიკა ბიზნესში II		30	30	ქ. ბათუმი ნინოშვილის/რუს თაველის 35/32
4.	ბიზნესის ადმინისტრირება;	ალბათობის თეორია და მათ. სტატისტიკა		30	30	ქ. ბათუმი ნინოშვილის/რუს თაველის 35/32
5.	ეკონომიკა.	მათემატიკა ეკონომისტებისთვის 2		30	30	ქ. ბათუმი ნინოშვილის/რუს თაველის 35/32

2. ბსუ-ს საბუნებისმეტყველო მეცნიერებათა და ჯანდაცვის ფაკულტეტის ვაკანტური საათები

№	ბსუ-ს უმაღლესი საგანმანათლებლო პროგრამა	სასწავლო კურსი	სათობრივი სამუშაო დატვირთვა		სულ	სასწავლო კურსის განხორციელების პერიოდი- 2023-2024 სასწავლო წლის გაზაფხულის სემესტრი /სამუშაო ადგილი
			ლექცია	ჯგ/მუშაობა		
ქირურგიის დარგობრივი დეპარტამენტი						
1.	ფიზიკური მედიცინა და სამედიცინო რეაბილიტაცია	სამედიცინო ეთიკა და დეონტოლოგია	15	15	30	ქ. ბათუმი ნინოშვილის/რუსთაველის 35/32

„ბსუ-ს უმაღლეს საგანმანათლებლო პროგრამებზე 2023-2024 სასწავლო წლის გაზაფხულს
 სემესტრისთვის სასწავლო პროცესის წარმართვის მიზნით მოსაწვევი მასწავლებელთა
 პერსონალის შესარჩევი ღია კონკურსის გამოცხადების შესახებ“
ბსუ-ს რექტორის 2024 წლის 16 თებერვლის N 01-02/21 ბრძანების

დანართი 2
 (კონკურსანტის განცხადების ფორმა)

ბსუ-ს რექტორს

.....
 (კონკურსანტის სახელი, გვარი)

საკონკურსო განცხადება

მსურს მონაწილეობა მივიღო საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (ბსუ-ს) უმაღლეს საგანმანათლებლო პროგრამაზე სასწავლო პროცესის წარმართვის მიზნით მოსაწვევი მასწავლებელთა პერსონალის შესარჩევ ღია კონკურსში:

<p>ბსუ-ს ფაკულტეტი</p> <p>(შენიშვნა: მარჯვენა სვეტში მონიშნეთ შესაბამისი ფაკულტეტი)</p>	<ul style="list-style-type: none"> ○ ბსუ-ს საბუნებისმეტყველო მეცნიერებათა და ჯანდაცვის ფაკულტეტი ○ ბსუ-ს ზუსტ მეცნიერებათა და განათლების ფაკულტეტი
<p>ბსუ-ს უმაღლესი საგანმანათლებლო პროგრამა</p> <p>(შენიშვნა: მარჯვენა სვეტში მონიშნეთ შესაბამისი პროგრამა)</p>	<p>ბსუ-ს საბაკალავრო პროგრამები:</p> <ul style="list-style-type: none"> ○ ქიმია; ○ გეოგრაფია ○ ეკონომიკა; ○ ბიზნეს ადმინისტრირება ○ ფიზიკური მედიცინა და სამედიცინო რეაბილიტაცია
<p>კონკურსანტის მიერ დოქტორის აკადემიური ხარისხის ფლობა</p>	<ul style="list-style-type: none"> ○ დოქტორის ხარისხის მქონე (განცხადებას უნდა დაერთოს დოქტორის დიპლომი) ○ დოქტორის ხარისხის არმქონე
<p>კონკურსანტის საკონტაქტო ინფორმაცია:</p>	
<p>ფაქტობრივი/რეგისტრაციის მისამართი</p>	<p>ფაქტობრივი:</p> <p>რეგისტრაციის:</p>
<p>ელექტრონული ფოსტა</p>	
<p>მობილური ტელეფონი</p>	

გავეცანი და ვეთანხმები: ბსუ-ს წესდებას, ბსუ-ს შინაგანაწესს, ეთიკის კოდექსს, ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილებით დამტკიცებულ „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესს“ და კონკურსის გამოცხადების შესახებ ბრძანებაში აღნიშნულ, სასწავლო პროცესის მარეგულირებელ ბსუ-ს სამართლებრივ აქტებს.

თანახმა ვარ „პერსონალურ მონაცემთა დაცვის შესახებ“ საქართველოს კანონის შესაბამისად დამუშავდეს ჩემი სააპლიკაციო განაცხადი (პერსონალური ინფორმაცია).

განცხადებას თან ერთვის:

1. პირადობის მოწმობის (ან პასპორტი) ასლი -
2. ფერადი ფოტოსურათი (3/4) -
3. CV (შევსებული უახლესი ინფორმაციით და ხელმოწერილი ყოველ გვერდზე) -
4. უმაღლესი განათლების დამადასტურებელი დოკუმენტის (ბაკალავრის, მაგისტრის, დოქტორის) სათანადო წესით დამოწმებული ასლი - -
5. სხვა დოკუმენტაცია: -

კონკურსანტის ხელმოწერა:

განაცხადის წარმოდგენის თარიღი:

„ბსუ-ს უმაღლეს საგანმანათლებლო პროგრამებზე 2023-2024 სასწავლო წლის გაზაფხულს სემესტრისთვის სასწავლო პროცესის წარმართვის მიზნით მოსაწვევი მასწავლებელთა პერსონალის შესარჩევი ღია კონკურსის გამოცხადების შესახებ“
ბსუ-ს რექტორის 2024 წლის 16 თებერვლის N 01-02/21 ბრძანების

დანართი 3

2023-2024 სასწავლო წლის გაზაფხულის სემესტრისთვის სასწავლო პროცესის წარმართვის მიზნით მოსაწვევი პერსონალის შესარჩევი კონკურსის

საკონკურსო/საპრეტენზიო კომისიები
(ფაკულტეტების/დარგობრივი დეპარტამენტების მიხედვით)

1. ბსუ-ს ზუსტ მეცნიერებათა და განათლების ფაკულტეტი

მათემატიკის დარგობრივი დეპარტამენტი საკონკურსო კომისია:

1. პროფესორი დალი მახარაძე - თავმჯდომარე;
2. პროფესორი ონისე სურმანიძე - წევრი;
3. ასოცირებული პროფესორი ნინო სვანიძე - მდივანი.

სააპელაციო კომისია:

1. პროფესორი ლელა თურმანიძე - თავმჯდომარე;
2. ასოცირებული პროფესორი ომარი გივრამე - წევრი;
3. ასოცირებული პროფესორი მზევინარ ბაკურიძე - მდივანი.

2. საბუნებისმეტყველო მეცნიერებათა და ჯანდაცვის ფაკულტეტი

ქირურგიის დარგობრივი დეპარტამენტი საკონკურსო კომისია:

1. პროფესორი ნერიმან ცინცაძე - თავმჯდომარე;
2. ასოცირებული პროფესორი ნატო ზოსიძე - წევრი;
3. პროფესორი ქეთევან დოლიძე - წევრი;
4. ასოცირებული პროფესორი ეთერ ჯაყელი - მდივანი.

სააპელაციო კომისია

1. ასოცირებული პროფესორი ლელა ბერიძე - თავმჯდომარე;
2. ასოცირებული პროფესორი ლალი ჟღენტი - მდივანი;
3. ასოცირებული პროფესორი ინგა დიასამიძე - წევრი;
4. ასისტენტ-პროფესორი თამარ პეშკოვა - წევრი

„ბსუ-ს უმაღლეს საგანმანათლებლო პროგრამებზე 2023-2024 სასწავლო წლის გაზაფხულს სემესტრისთვის სასწავლო პროცესის წარმართვის მიზნით მოსაწვევი მასწავლებელთა პერსონალის შესარჩევი ღია კონკურსის გამოცხადების შესახებ“
ბსუ-ს რექტორის 2024 წლის 16 თებერვლის N 01-02/24 ბრძანების

დანართი 4

ბსუ-ს უმაღლეს საგანმანათლებლო პროგრამებზე მოსაწვევი მასწავლებელთა პერსონალის შესარჩევი ღია კონკურსის საკონკურსო და სააპელაციო კომისიების მუშაობის წესი

მუხლი 1. ზოგადი დებულება

საკონკურსო და სააპელაციო კომისიის მუშაობის წინამდებარე წესის მიზანია საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (შემდეგში „ბსუ“) საგანმანათლებლო პროგრამებზე სასწავლო პროცესის (ვაკანტური სასწავლო კურსების) წარმართვის მიზნით ღია კონკურსის წესით მასწავლებელთა პერსონალის შერჩევა.

მუხლი 2. კომისიის შემადგენლობა და ფუნქციები

1. კომისიის შემადგენლობა განისაზღვრება დეკანის წარდგინების საფუძველზე გამოცემული ბსუ-ს რექტორის ბრძანებით.
2. კომისიის წევრთა რაოდენობა განისაზღვრება **არანაკლებ 3 წევრით**, მათ შორის კომისიის თავმჯდომარით და კომისიის მდივნით. დასაშვებია **სააპელაციო კომისიის 2-წევრიანი შემადგენლობა**. ხმების გაყოფის შემთხვევაში თავმჯდომარის ხმა გადამწყვეტია.
3. კომისიის ყველა სხდომა არის დახურული და კომისიის წევრები ვალდებული არიან დაიცვან კონფიდენციალურობა და არ გაამჟღავნონ ინფორმაცია საბოლოო შედეგების ოფიციალურ გამოქვეყნებამდე.
4. კომისიის ფუნქციებია:
 - ა) კონკურსის პროცედურის ორგანიზება დადგენილი წესის შესაბამისად;
 - ბ) კონკურსანტების განცხადებების განხილვა და კონკურსანტებთან გასაუბრება (საჭიროების შემთხვევაში უფლებამოსილია მოითხოვოს კონკურსანტის მიერ საცდელი ლექციის ან ჯგუფში მუშაობის ჩატარება (შესასრულებელი დატვირთვის სახის შესაბამისად);
 - გ) სათანადო საფუძველის არსებობის შემთხვევაში კონკურსანტის კონკურსიდან მოხსნა;
 - დ) კონკურსის შედეგების წარდგენა შესაბამისი ფაკულტეტის დეკანისათვის, მისი საჯარო გამოცხადება ფაკულტეტის საინფორმაციო დაფაზე და ბსუ-ს ვებგვერდზე, ბსუ-ს ვებგვერდის ადმინისტრირების წესის შესაბამისად;
5. **კომისიის თავმჯდომარემ უნდა უზრუნველყოს** საკონკურსო კომისიის მუშაობის ორგანიზება, ხელმძღვანელობა, საკონკურსო კომისიის სხდომების დანიშვნა, ჩატარების ადგილისა და დროის განსაზღვრა; სხდომებისათვის დოკუმენტაციისა და მასალების მომზადების კონტროლი; სხდომების წარმართვა კანონმდებლობისა და წინამდებარე წესის საფუძველზე.

6. კომისიის მდივანმა უნდა უზრუნველყოს:

- ა) კომისიის წევრებისათვის სხდომების დროისა და ადგილის შეტყობინება;
- ბ) კომისიის წევრების საჭირო მასალებითა და დოკუმენტაციით უზრუნველყოფა;
- გ) კომისიის მუშაობის ოქმების წარმოება და შესაბამისი საოქმო გადაწყვეტილებების ამ წესითა და კონკურსის გამოცხადების სამართლებრივი აქტის შესაბამისად საჯარო გავრცელება;
- დ) კონკურსანტების გასაუბრების განრიგის შესახებ ინფორმაციის ბსუ-ს ვებგვერდზე განთავსება და კონკურსანტების ინფორმირება;
- ე) საკონკურსო კომისიის მუშაობასთან დაკავშირებით საკონკურსო კომისიის თავმჯდომარის დავალებების შესრულება.

7. კომისია უფლებამოსილია:

- ა) კონკურსანტს მოსთხოვოს მის მიერ წარმოდგენილ განაცხადში ან სხვა მასალაში მითითებული ინფორმაციის დამადასტურებელი დოკუმენტების კომისიის მიერ დადგენილ ვადებში წარდგენა;
- ბ) კონკურსიდან მოხსნას კონკურსანტი, თუ: წარმოდგენილი დოკუმენტაცია შეიცავს არასწორ ინფორმაციას; წარმოდგენილი დიპლომი არ შეესაბამება დასაკავებელი თანამდებობის პროფილს ან კომისიის მიერ დადგენილ ვადაში კონკურსანტმა არ/ვერ წარმოადგინა მოთხოვნილი დოკუმენტები; არ გამოცხადდა ან უარი განაცხადა გასაუბრებაზე, ხოლო საკონკურსო კომისიის მიერ მოთხოვნილი საცდელი ლექციის ან ჯგუფში მუშაობის (შესასრულებელი დატვირთვის სახის შესაბამისად) ჩატარებაზე.

მუხლი 3. კომისიის გადაწყვეტილებაუნარიანობა და სხდომის ოქმი

1. კომისია უფლებამოსილია, თუ მას ესწრება კომისიის წევრების უმრავლესობა. ქვორუმის არარსებობის შემთხვევაში სხდომა ინიშნება სხვა დროს.
2. კომისია გადაწყვეტილებას იღებს ღია კენჭისყრით, ხოლო კომისიის დასკვნას (გადაწყვეტილებას) ამტკიცებს დამსწრე წევრთა ხმების უბრალო უმრავლესობით. ხმების გაყოფის შემთხვევაში თავმჯდომარის ხმა გადამწყვეტია.
3. კომისიის სხდომების ოქმებში უნდა დაფიქსირდეს:
 - ა) სხდომის თარიღი;
 - ბ) დამსწრეთა შემადგენლობა და დღის წესრიგი;
 - გ) საკითხის განხილვის მოკლე შინაარსი;
 - დ) სხდომაზე კენჭისყრის შედეგები და მიღებული გადაწყვეტილება.
4. შერჩეულ კანდიდატად ჩაითვლება კონკურსანტი, რომელსაც ხმას მისცემს საკონკურსო კომისიის წევრთა უმრავლესობა.
5. კომისიის სრული დოკუმენტაცია (კონკურსანტთა განცხადებები და დოკუმენტაცია და ოქმები), კონკურსის დასრულებისა და შედეგების ძალაში შესვლის შემდეგ შესანახად გადაეცემა ბსუ-ს საქმისწარმოების სამსახურს (კანცელარია).